



BOSNA I HERCEGOVINA
VIJEĆE MINISTARA
Generalno tajništvo
Sarajevo, 22.4.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22.4.2009.			
Organizaciona jedinica	Klasifikaciona oznaka	Redni broj	Broj priloga
		01-50-11545/09	

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovori na zastupnička pitanja – dostavlja se

Vijeće ministara Bosne i Hercegovine, na 84. sjednici održanoj 16.4.2009. godine, utvrdilo je pojedinačne odgovore na tri zastupnička pitanja koja je Salko Sokolović, zastupnik u Zastupničkom domu Parlamentarne skupštine Bosne i Hercegovine, postavio na 45. sjednici ovog doma održanoj 4.2.2009. godine.

U pravitku dostavljamo odgovore uz molbu da iste uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-432/09
Sarajevo, 16.4.2009. godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na 45. sjednici Predstavničkog doma održanoj 4.2.2009. godine, postavio je sljedeće poslaničko pitanje:

"Kome i na osnovu kojih kriterija o stimulacijama je direktor SIPA-e dodjeljivao stimulacije u prošloj godini, mislim na zaposlene u SIPA-i?"

Na postavljeno poslaničko pitanje, Vijeće ministara Bosne i Hercegovine je na 84. sjednici održanoj 16.4.2009. godine, utvrdilo je sljedeći

ODGOVOR

Na osnovu člana 16. i 61. Zakona o upravi („Službeni glasnik BiH”, broj 32/02), u vezi sa članom 8. stav (3) Zakona o Državnoj agenciji za istrage i zaštitu („Službeni glasnik BiH”, broj 27/04), članom 20. stav (3) Zakona o budžetu institucija BiH i međunarodnih obaveza BiH za 2008. godinu („Službeni glasnik BiH”, broj 17/08) i tačke X Odluke o načinu obračuna plata i naknada zaposlenih u Savjetu ministara BiH, ministarstvima BiH i drugim institucijama i tijelima Savjeta ministara BiH (SM broj 260/2002 od 09.12.2002. godine), direktor Državne agencije za istrage i zaštitu je 18.06.2008. godine donio Pravilnik o stimulaciji u Državnoj agenciji za istrage i zaštitu.

Navedenim Pravilnikom su definisani kriteriji za stimulaciju, a naročito:

- u slučaju povećanog obima poslova i zadataka radnog mjesta na koje je izabran, postavljen ili raspoređen, što iziskuje dodatno angažovanje zaposlenog a rezultira uspjehom u radu na navedenom radnom mjestu;
- kada u izvršavanju poslova i zadataka doprinese racionalnom korištenju resursa Agencije, uštedu u materijalno-tehničkim sredstvima koja su mu povjerena u radu;
- kada prije određenih rokova izvrši preuzete obaveze i svojim odnosom prema drugim organima, fizičkim i pravnim licima daje pozitivan primjer zaposlenim u Agenciji;
- kada rukovodilac Agencije ocijeni da je zaposleni izvršavajući poslove i zadatke doprinijeo dobrim rezultatima u Agenciji radeći na poslovima i zadacima radnog mjesta na koje je raspoređen, ili imenovan u komisije;
- za obavljanje poslova u komisijama koje formira rukovodilac Agencije ili rukovodilac druge institucije u čijem radu učestvuje zaposleni Agencije.

Rješenje o stimulaciji donosi rukovodilac Agencije na osnovu obrazloženog prijedloga rukovodioca organizacione jedinice ili predsjedavajućeg komisije.

Izuzetno, rukovodilac Agencije može odobriti stimulaciju i bez prijedloga rukovodioca organizacione jedinice, a na osnovu lične procjene o postojanju uslova za isplatu stimulacije.

Tokom 2008. godine (uključujući i stimulacije koje su isplaćene za naknade za rad u komisijama tokom 2007. godine) za ukupno 967 zaposlenih u Agenciji je dodijeljena stimulacija u iznosima od 25,00 KM do 3.380,00 KM. Najveći broj obračunatih stimulacija (455) odnosio se na stimulacije u vezi sa povećanim obimom poslova u Odjeljenju za obezbjeđenje ličnosti i objekata, a zatim i po osnovu rada u komisijama Agencije ili drugih institucija. Za ukupno 6 zaposlenih je iznos isplaćenih stimulacija dostigao cca 20%, koliko je maksimalno dozvoljeno. Procenat isplaćenih stimulacija u odnosu na odobrena sredstva od neto plate iznosi 2,07%.



**BOSNA I HERCEGOVINA
VIJEĆE MINISTARA**

Broj: 05-50-432-1/09
Sarajevo, 16.4.2009. godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na 45. sjednici Predstavničkog doma održanoj 4.2.2009. godine, postavio je sljedeće poslaničko pitanje:

"Drugo pitanje, na osnovu kojeg oglasa je direktor SIPA-e odabrao M:TEL kao davaoca usluga za mobilnu telefoniju u SIPA-i?"

Na postavljeno poslaničko pitanje, Vijeće ministara Bosne i Hercegovine je na 84. sjednici održanoj 16.4.2009. godine, utvrdilo je sljedeći

ODGOVOR

Državna agencija za istrage i zaštitu je u skladu sa utvrđenim Planom opremanja i odobrenim budžetskim sredstvima za 2008. godinu krajem prošle godine uspostavila jedinstvenu poslovnu GSM-mrežu za 250 policijskih i državnih službenika.

Imajući u vidu činjenicu da na prostoru BiH egzistiraju tri telekom-operatera, Služba za materijalno-finansijske poslove je u julu 2008. godine u skladu sa Zakonom o javnim nabavkama, član 11. stav (4a) tačka 3 i član 30. stav (2) tačka b) uputila zahtjev za učešće u pregovorima na adrese sva tri registrovana telekom-operatera.

Od operatera je traženo da u skladu sa svojim tehničkim, kadrovskim, ekonomskim i pravnim aspektima očituju o mogućnosti konfigurisanja jedinstvene poslovne GSM-mreže za SIPA-u, te o mogućnostima pružanja sljedećih usluga: 250 novih brojeva sa markom mobilnog telefona, pozivima unutar grupe, ukoliko je besplatan da li je limitiran, pozivima prema ostalim mobilnim mrežama u BiH, SMS, MMS, GPRS, tarifiranje uspostave poziva, mogućnost dodatnih usluga za svaki od profila korisnika i obračunski (billing) intervalu.

Od tri telekom-operatera s područja BiH, jedino se M:TEL izjasnio pozitivno, te je komisija formirana unutar SIPA-e predložila prihvatanje njihove ponude.



**BOSNA I HERCEGOVINA
VIJEĆE MINISTARA**

Broj: 05-50-432-2/09
Sarajevo, 16.4.2009. godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na 45. sjednici Predstavničkog doma održanoj 4.2.2009. godine, postavio je sljedeće poslaničko pitanje:

"I, kada će direktor SIPA-e izbalansirati nacionalnu strukturu rukovodnih radnika u SIPA-i, da ne bi imali ovih problema koje imamo?"

Na postavljeno poslaničko pitanje, Vijeće ministara Bosne i Hercegovine je na 84. sjednici održanoj 16.4.2009. godine, utvrdilo je sljedeći

ODGOVOR

Državna agencija za istrage i zaštitu je u toku 2008. godine u skladu sa Dinamičkim planom zapošljavanja provela ukupno 6 konkursa/oglasa, kao i dva interna oglasa za unapređenje.

Preduzetim aktivnostima (u odnosu na stanje iz zadnjeg kvartala 2007. godine), nije značajnije narušen postojeći nacionalni balans rukovodnih radnika u činu glavnog inspektora i samostalnog inspektora i komparativnih zvanja za rukovodne radnike – državne službenike.

Promjene su nastupile na tri pozicije glavnog inspektora ili komparativnih (jednu je obavljao službenik Bošnjak, a dvije Srbi) i jedne pozicije samostalnog inspektora (koju je obavljao policijski službenik Srbin) koje nakon odlaska službenika nisu popunjene oglasima, ali su popunjene pozicije u činu samostalnog inspektora (dvije popunjene policijskim službenicima Bošnjacima, jedna Hrvatom).

Zbog nemogućnosti zapošljavanja policijskih službenika iz drugih agencija (osim Granične policije BiH), u vezi sa istekom prelaznog perioda i podzakonske regulative u vezi s tim, a i ograničenja u primjeni Pravilnika o unapređenju, trenutno Agencija nije u mogućnosti (osim direktnim unutrašnjim prerasporedom) popuniti upražnjene pozicije viših i visokih rukovodnih radnika.

Trenutno su u Agenciji upražnjene ukupno 4 pozicije glavnog inspektora i komparativne, kao i 10 pozicija samostalnog inspektora, što u narednom periodu ostavlja mogućnost korigovanja eventualnog nacionalnog debalansa rukovodnih radnika.

Trenutni nacionalni balans zaposlenih u SIPA-i (uz ukupnu popunjenost od 67,58%) je slijedeći:

- Bošnjaci	50,7%	po popisu 43,4%
- Hrvati	14,0%	po popisu 17,3%
- Srbi	34,8%	po popisu 31,2%
- ostali	0,4%	po popisu 7,9%